

綠筠書屋詩鈔

綠筠書屋詩鈔卷十五

閩縣 葉觀國 毅菴

江左集

起乾隆癸卯九月訖丙午八月

閩中奉 恩命督學安徽恭紀

鎖闥未藏掄文事除目重充校士司三錫頻仍驚 異

數蒙

恩舊曾兩任督學並茲而三

百年衰朽荷

清時地兼吳楚知

鍾秀山有青黃待探奇

青山在當塗縣黃山在歙縣

彈指

春巡收簡又搜羅先爲貢 天墀

初至金陵信宿前發

蒼茫今古渡江情一髮鍾山指石城南浦帆檣殘雪霽

六朝陵闕暮雲平
客窗夜枕秦淮榜
曉隊前驅白下旌
慚謝官人說幽討也應遊跡冠平生

太白樓

在當塗縣采石

供奉還山後遨遊此地多錦袍
涼月色蘭橈大江波切
漢危樓古騎鯨里語訛青山祠
墓近靈爽合頻遇

院齋閒望

高臺獨上闕榛蕪

使院東偏有舊臺

野興翛然眺望紆吳楚
大

牙烟浪濶郊原牛背夕陽孤
風流尙憶吟遊蹟
跋屨終

喘割據徒信是江城如畫
裏倚欄欣對郭熙圖

國初蕭尺木

有太平名

勝全圖

采石太白樓蕭尺木畫壁

峨眉秦岱華山匡廬四圖

謫仙非謫乃其遊用坡公句遠自岷峨來中州瓊簫吹徹月
輪秋徂徠側畔時淹留天門曉上窺瀛洲西登落鴈捫
斗牛向天搔首風颭颭餐霞幾載香爐頭石梁下瞰千
尺流晚來采石卜菟裘舊游回首隨風瀉騎鯨去久存
高樓蕭翁繪事願陸儔四圖掃壁良有由鉤羅竒詭娛
靈修其餘瑣細安足收我欲從翁買菜求爲寫天姥堂
之隄絕勝夢底驂鸞輶翁如可作然我不

舟中望青山二首

露松星竹蔚烟鬟詞客芳蹤杳靄間欲拜遺墳愧牽迍

揚舩空過謝家山

元暉詩句古難匹
太白光鋸劫不磨
我爲山靈慶知遇
烟巒似此世間多

寧國孫郡守

述會

置酒北樓望敬亭山卽席賦

贈

謝守風流在職閒
高樓正對敬亭山
寒城平楚鉤簾外

綠栢輕烟倚檻間

謝詩寒城一以眺平楚正蒼然又桑栢起寒烟

兩水先去聲秋

晴自淨孤雲近晚去仍還

太白詩兩水夾明鏡又孤雲獨去閒

先生領郡

多幽事往躡於今可接攀

善嶺詠古

大業昔張亂割據羣稚起越公南土豪奮跡寄戎壘推
奉在黨徒疑忌有奸宄豈惟困樊籠行恐就砧几督役
茲嶺來著勞不作羨驅除因衆怒勢會難中止大人從
虎變秉節莅鄉里南麾杖曉收西掃婺饒靡中原方鼎
沸州邑生荆杞一隅獨晏然政令平如水真人起晉陽
戡定殪封豕一朝具圖籍表狀奉天子恭順視寶融勲
名繼靈洗

程靈洗休寧人陳書有傳事蹟與汪相類

至今汪與程衍姓世莫

比乃知造物心功在芘桑梓峩峩烏聊山千秋光廟祀

黃山歌

我生久詫黃山名臨老始識黃山面
縵幽梯嶮媿未能

猶喜靈蹤眼親見心知首路向天都百里褰帷眇瞭紆
但見黏天半壁色青黝鏤空朶朶披芙蓉不省青鸞石

柱竟誰是意爲摹揣神魂徂文殊

院名

兜率

院在何許精

藍想像雲深處三十六峯漫署名複嶂重巒不知數側
聞茲山高出天目巔下視匡廬九子俱積然何況扈恒
嶧蜀類萬千岱嵩衡華應齊肩光明頂上尤奇詭俛瞰
鋪雲前後海佛燈往往中夜明獅象幡幢涌光彩帝松
秀兮巖之阿龍盤虎攫無凡柯瑶草琪花隨處有毛人
雪翁時相過我思軒轅御風周四極胡爲修真萬里留
茲域藥池丹鼎至今存控鶴騏鸞豈必經目擊湯泉萬

古無鑰扁曷不伐毛生羽翼會當裹糒拄策歷孱顏莫
遣容成浮邱笑我心堅頑

望華亭

在青陽縣望九
華山如咫尺

望華亭畔蹙停騶華正紛敷天正秋潑翠十分浮茗案
攢青千里送江流冠卿蕭隱雲泉僻供奉遺蹤草樹幽
欲訪化城慙未暇臨岐惟有重回頭

皖城謁余忠宣祠

氣吞銅馬截江波運去身殲歎奈何卞氏一門奇節少
睢陽半壁戰功多專祠典古憑洄溯脩食名存並業峩
老矣可堪危學士盡忠池畔歲時過

綠筠書屋詩鈔卷十五

四

望龍眠山二首

龍眠居士此山居曾寫山莊賞詠餘畫卷於今何處訪
晴峯依舊展芙蓉

年深難問壘禪堂雲洗花巖徑總荒莫更追尋遊賞事
風流曾此接蘇黃

廬州試院東偏有包公祠云是孝肅讀書處學
使者下車日必展謁焉

龍圖讀書處聞在香花墩水木頗明恐遺蹤志乘存相
傳此東偏橫經亦有軒想當諷誦日賢聖志所敦豈比
流俗學但希青紫尊清風鏡千載可挽游瀆渾我來忝

文柄瞻拜炷溫磨區區仗此心對公堪自捫

臯陶祠 在六安州

虞廷臣五人臯後獨不帝或云生刑官斯言毋乃戾于
公守廷尉胡爲昌厥裔矧夫邁極姿明允天所契仲虺
始就國祖德能世濟無援逼強鄰長蛇肆吞噬六蓼竟
忽諸民懷仍罔替業業白沙城遺祠起瞻睇

觀魚臺

紛紛憂患日相侵觀物無情不見心解識游鯨多樂意
祇緣真樂在虛襟

莊子慕

用坡公道遙臺
韻翻其意

鼠肝蟲臂外形骸遺塚猶關過客懷
螻蟻烏鳶休送難
真人不死可須埋

潁州懷古

聚星堂古動遐思賢守風流彼一時
北渚琴樽饒勝事
西湖觴詠記清詩子將月旦今誰嗣
仲舉襟期世所師
十頃玻璃依舊否塵纓也擬鏡鬢眉

遊醉翁亭

背城林壑漸清妍引勝琮瑋瀉醲泉
佳木迸陰新雨地
野芳爭發晚春天亭臺獨占西南秀
政事猶思六一賢
見說庭梅爲手植護持好與伴枯禪

乙巳夏仲欵郡試畢歸途重望黃山

極目芙蓉嶺上雲分爲長別倍殷勤未能着屐如靈運
差勝觀圖似少文小華稱呼殊失當唐刺史李敬方三稱黃山爲小華
障風景聽平分從今祇合南窓畔遊記叢中討舊聞

青陽道中望九華山

茲山峙江隅蟠結分妙有

太白詩妙有分二氣靈山開九華

易名自謫

僊流傳亦已久秀出九芙蓉妙繪揭高手探龍珠已得

餘義等枝拇後來賞詠流刻琢太紛糾或云龍攀天劉

得

或言圭削首

梅堯臣

金莖與玉柱

林

滋意象隨所取荆公

押險韻汗漫瀾翻曰九皇復九官九女珮玉玖揆其造

語時意在脫窠曰大哉銀榜書煥爛懸星斗

化城寺有御題

芬陀普教區額芬陀卽蓮華薈義

聖仍守山中盛院宇化城最孤陡飛瀑挂天河列星宿
夜牖緬懷景前躅欲從道阻右由來高隱扁未許塵凡
叩冠卿去已遠援鶴悵誰偶赫赫青陽公借銜山豈受

登齊山

名山不在遠立馬入烟霞翠影落秋浦嵐光延九華洞
幽森石乳亭古脫檐牙未作攜壺計雲堂且喫茶

兩宿永豐寺口占三絕句

南陵縣界

雲堂一宿意欣然不寐還同入定禪

襪被已前行

赴隴新流

聞泱泱含滋枯頽想芊芊

官人禱雨爲農民更有征人意禱頻慚愧道傍爲好語

帶將甘澍在雙輪

廿六廿七兩日到青陽南陵縣城皆遇大雨

避炎狡獪事宵征倦僕裊裊各憚行天雨恰如人意好
投床羣息和雷鳴

玩鞭亭詠古

武昌作公心未已牙旗南拂于湖水轅門白晝玉帳垂
卧櫪老驥僵不起醒驚遶城赤日鮮追騎蒼黃飛控弦
馬矢如冰去已遠空玩道傍七寶鞭白龍魚服古爲戒
英王雄姿意有在唾壺擊碎徒爾爲南桁燃臍衆心快

奈何好回跋扈轍相循有人墓下徘徊稱可人

喜雨

待澤羣情切謹呼見散絲初猶嫌斷續漸乃覺紛披稿
壤敷新潤枯莖抱暗滋麥田先送喜菜圃亦添姿飄瞥
當窗望蕭騷隔瓦知紅欵花萼拆綠重竹梢垂論價逾
珠玉飛甘勝醴醑一犁看已透三日願爲期霖霖洵如
是滂沱或繼之便當盈涸井還擬漲虛池佳氣回蓬戶
懽聲徹 玉墀莫愁恒雨若霑濕總相宜

綠筠書屋詩鈔卷十六

閩縣 葉觀國 毅菴

得槐軒後集

起乾隆丙午十一月訖戊申九月

皇十一子次東坡讀杜詩韻作長篇題弁消寒唱

和詩冊同直諸君次韻謹和

縱瑄潛灰動嚴颺捲樹豪銷寒依節序遣興託詩騷

麗句標元唱天才歷衆髦詞林千尺榦學海九秋濤卽
景拈題稱安章結韻牢燠籠音並奏星斗象爭高筆落
開山斧篇成下水艘抗懷言不淺體物狀無逃已共傾
岡嵐疇能掣海壘聯吟許徐應入座接雄褒蹤愧追千

里聲難和九臯榮邀施郢斷寵擬奪虬袍尚記辛壬際

初塵侍從曹

觀國以辛丑春入侍
寒唱和之舉

皇十一子命普於素冊哀

然成

曳裾攜筆札飛鞚謝遊遨卷積牛腰重箋題蠶尾

勞么絃答鐘呂小隊附旗旄雅集斯爲盛蠹材慶所遭
再來星徙舍重見雪平壕才盡凋花管顏衰借玉醪雙
九真轉轂振眼蔚春蒿

春仲八日 皇十一子召集擷秀山房同人吉

通政涓厓茅庶子耕亭錢殿撰湘舫咸在坐

春山掃翠春雲濃麴塵待颺

去聲

催花風明湖淦淦舒卵

色時節恰在中和中西園置酒值清暇聯輝花萼停紅

驄皇八子亦至高襟各自屏軒蓋接席特許陪章縫山房奧

曠身未到洞壑窅窅沙丰茸架標籤軸襍細縹案登齒

戲兼瓷銅須臾張燈奏新樂樂句乃本香山翁黃州長沙歌新

劇金釵鈿合致縫縵海山碧落追鴻濛可信古詩皆入

曲關雎殷武諧徵宮人言是日佛出世八闕盛會喧兒

童見歲時記流傳小說誰復訂當歌且對罷觥紅泛栳醲醲

色湫澗掛欄初魄光朦朧禮寬意優銜感重席罷貽古書玉器四

種辰良景美言歡同曲終上馬各歸舍明發聽漏趨銅

龍

恩賜貂帽浴恭紀

貂裘曾賜戴 恩高耀首重欣細
毳叨圓頂裘添麤
纓側簷縫就綠
去聲週遭榮同加服眉從展慶叶彈冠手
屢搔歧羨金璫平昔意驚心殊錫逮儕曹

題長恨歌劇本四首

譜得清歌付教坊
開元遺事劇悽涼
簇新風月文章舊
底用填詞費繡腸

水天閒話襍悲歡
外傳流傳等稗官
好與香山借顏色
盡徵軼事作波瀾

洪家院本簇絲桐
座客當筵擊節同
試遣龜年相品定
長生長恨曲誰二

歌喉珠串過春雲
綠酒紅燈容盡醺
待洗平生箏笛耳
人間絲管漫紛紛

奉題金大司空早朝圖小像

曉箭傳金鑰封章達
紫宮履聲 三殿迴馬步五花
雄壽骨喬松似清標
老鶴同不忘恭敬意盡在尺圖中

題吳尉

詒質
畫二首

江村花事暖來勻
數疊巖巒巒過雨新
忽忽京華塵土眼
披圖今日始知春

麓臺石谷盛名俱
不道吳生畫作殊
筆匣攜將官劍外
新裘合有蜀川圖

秋仲扈 駕木蘭王學士春甫 蕊修疊如字韻

貽詩送行次韻爲和

騎馬平生賀監如，深慙衰朽扈 轡車急裝趣辦從征服。
短載難攜插架書，格獸彎弧才久媿。矢音賡唱事還踈，
所欣卅載乘輶客。更出邊垣効拱居。

出古北口疊前韻二首

關垣疊嶂畫屏如，叱馭凌晨託屬車。隨侍 皇塞上風

煙宜人曲秋分雲物正堪書。是月十二 日秋分 初晴古渡河聲

壯夕照平沙柳影疎，到眼偏欣淳樸俗。無多村落倚巖

居

塞路分明蜀道如亂山迴合僅容車乍行朔漠無人地
似請平生未見書依澗結茅椽棟庠傍巖開壘黍禾跡
夕嵐紫翠層峰頂恐有雲菴羽士居

過青石梁疊前韻

峻坂縈雲九折如登陔豈獨困鹽車秋林秀爽同看畫
石壁平漫可勒書急遞郵符爭道勇駢蹄鈴馱趁風疎
鍾峰咫尺層嵐外極望彤雲是

帝居

進哨

豁訝一徑萬峰圍六道河壩百草肥爭路駝裝摩背過

嘶風番馬跨山飛，帷城環匝依雲陣。
帳殿中央應紫微，腰箭臂鷹多猛士。
白嗤簪筆曳褒衣。

海拉蘇台恭觀 圍獵

籠山絡野舉三驅，飛架鳴髀七枝俱。
跨谷從禽馳騷裏，連車數獲獻於菟。
是日射虎一獲鹿鹿鹿無莫
雄瓌直覺長楊陋，寥廓還看夢澤逾。
聞道五犯惟一發，仁恩及物頌騶虞。

班次口號

曙色纔分啓，六螭矐矐晴旭颺。
雙麾雲騰潮涌蒸，徒集斗轉星移列。
帳隨短草似茵中，路接層霄如幄四。
邊垂侍臣鵠立期門畔，最是

天顏咫尺時

雨中口占仍用如字韻

穉房聽雨瓦房如大芋高荷響滴疎充腹欲爲庚癸呼
淋頭頻作丙丁書因騎半日跟蹉馬却羨平時轆轤車
回首鳳城烟靄外偏饒兒女獲安居

過南天門憇大士菴遂登元武閣仍疊如字韻

到此身輕羽化如憑風徑欲躡飛車精藍律峯開香界

金榜崔嵬煥

玉書

庵前有御題牌額

極望遙巒千樹亞平臨

過鴈幾行疎由來兜率清嚴地除是諸天不易居

謹題

皇次孫秋湖獨泛圖小像

淡瀟襟次愛澄瀾秋水爲神寫繪難雙槳真成天上坐
一奩如向鏡中看涼添北渚霜初降興擬西園夕未闌
信是多生清淨品芰荷香裡獨盤桓

附消寒唱和詩

賦得敲春

限春字

暖律潛催臈底春登筵生菜紀芳辰靈根剝土含冰脆
細縷堆盤切玉勻佐酒暗香生七挾加餐清響動牙脣
帝城節物鄉園味取次中厨荀蔗新

賦得米心雪

限心字

曲院疎檣小雪侵拋空粒粒狀堪尋瑩如白粲篩難盡

碎比香杭碾已深麩散咏工推作手豆豉句出費詩心
流傳諺語堪徵瑞準備新炊漑釜常

賦得太平鼓

限聲字

屈鐵爲胎繭紙糊
簌簌也附路藪名擊來便觸流年意
響處能傳樂歲情
搥搥上枹槌譜舊譜
鏗錚刀槊帶邊聲
太平有象憑渠繪
取次燒燭盼晚晴

賦得金鴨爐

限爐字

金狨困蝨博山麝雅製新銘寶鴨殊特造
齋頭噓艾納也如江畔唼菰蒲
畫欄罷關前身幻香案酣眠隻影孤
見說馮家鳧藻好可應借樣付洪爐

賦得水中丞 限曹字

別署頭銜隸水曹班齊獨坐策勛高中書君畔追陪久
卽墨侯前應接勞曉露半腔滋意藥秋泉一眼起文瀾
應緣澹泊成心性不羨陶泓九錫褒

薛稷爲硯封九錫見退耕錄

賦得千里鏡 限來字

賺得秋毫眼底來不愁千里隔氛埃壺能縮地應同幻
管可窺天莫漫哈妙手虱輪勞脾睨枯禪日鼓涉疑猜
無須更騁層樓目信意摩挲試一回

賦得雞缸 限雞字

輕窵作瑛類頗瑳渲染新圖着鬥雞窠擬越州官製秘

款留成化小書題燈光射處疑能舞飲興酣來怕解啼
玉爵太華銀鑿俗何如此物便提攜

賦得紙帳

限明字

斗帳垂垂紙屬成藤床笛篔配來清夢回似伴白雲宿
風捲如飄凍雪聲蜀錦縱華人易俗蠻氍雖煖夜難明
祇應窗外寒梅影相傍幽齋近四更

賦得硯凹

限磨字

古硯坡陀面有窠祇緣石墨久相磨鳳膏淳處應生霧
龍尾陰來欲起波敲杵作針良自笑礪甌爲鏡致相訶
毛生頭禿陳元矮一例蹉跎歲月多

賦得儒爲雞廉

限廉字

儒者嘗蒙謂斤斤近小廉
狼吞評豈稱虎飽俗難砭
薄奉分升斗卑棲伏檻檐
無心習金芥有口但蠶鹽
函鼎才元重
碓冠貌自嚴
攘鄰良不屑
爭食夙知嫌
似木尋莊義
登天凜易占
烹鮮如可試
文學效寧淹

賦得詩筒

限詩字

截竹爲筒遠寄詩封緘
好遣馬軍馳裝來矮紙
芭蕉捲拆出長箋
荳蔻披勝似江魚傳尺素
清於英簫從高麾
筆床酒榼常相伴
慎莫輕投帳下兒

賦得兩岸青山相對出

限門字

登高望遠指天門，森森江流一帶翻。
兩扇長開初日影，東西兩梁山夾江雙眉新掃晚烟痕。
兩梁山遙望如對峙因名天門眉故又名峩峩過雲樵父呼堪應隔水飛禽力不煩。
從此揚帆趨建業，無邊波浪接乾坤。

賦得橘叟 限虛字

橘中容四叟，相駭剖瓢初。豈是商山皓，來從楚澤居。
賭棋圍坐久，噉脯聚談餘。似鶩籠幻卮，言托子虛。

賦得風門 限風字

一片玲瓏影，深冬待障風。
疎櫺機最活，單戶製偏工。
密任飛霏洒，虛延霽旭通。
應嫌銀蒜重，分付捲簾櫳。

賦得水始冰

限水字

袞裯潑水夜寒增
報道池塘曉有冰
嫩玉嵌波猶漾漾
輕綃羃浪見層層
堆盆匝圓仍碎傍
硯朦朧散復凝
細數腹堅時尙早
衝飈羸馬已淩兢

賦得雪水

限清字

宿雪融來玉一泓
甘香絕勝乳泉清
三霄瑞露應同味
上品中泠漫得名
銀液儲添瑤硯水
松風煮聽竹爐聲
詩腸苦俗文心濁
數勺教嘗換骨成

賦得花影二首

限斜字

誰叱金盞墨圖來
小徑花藥亭雲膜
破藤架月叢斜漸

上疎簾額還過古砌窳徐黃寫生好持比一塵差
朶朶移來近冥冥望去賒色香俱不染枝葉正交加繡
谷曦光駐銅餅燭燄斜試尋踪跡看幾樹隔窗紗

賦得松蓋

得松字

遙望童童影參天有古松層陰時借鶴圓翠久盤龍障
日真宜夏撐霜不畏冬惟應香荔傘堪伴綠釵濃

賦得水仙

限黃字

品獨超凡俗生疑出渺茫洛妃堪想像磬弟漫評量作
供春臨案添姿月照廊大江成一笑名句久推黃

賦得刺繡五紋添弱線

限添字

節序臨長至光陰一線添已看瑤鏡湧猶許繡鍼拈幅
玩天工巧心紓女課嚴春風來早晚遲日又堪占

賦得梅影

限簾字

爲愛孤芳好來巡月下檐數枝籠雪徑半樹暎晶簾雅
澹神逾現清幽態更添依稀仲圭筆淺墨拂霜練

賦得校書如掃落葉

限如字

明窗搦管細讐書訛字頻頻落葉如檢出應愁三篋滿
披來常覺半床餘

庾信小園賦
落葉半床

添薪恰好供藜火縛帚

難期淨石渠擷取菁英剔荒穢詞林根柢倍扶疎

賦得院靜似無僧

限僧字

諸天臺殿敞層層欲訪支公見未曾齋罷雀行厨畔案
課完狸臥佛前燈禪房自掩高低戶經座猶鋪大小乘
卻憶清晨鐘磬發雲堂巾拂過羣僧

賦得藩籬帶松菊

限辭字

傍崦關圍挿枳籬松蒼菊秀擁幽姿夏長石畔哦應勝
秋老樽前賞最宜一道玲瓏通夕照數箇欹側隔清陂
居然粟里高人宅莫遣風塵客子知

賦得哈密瓜

限甘字

嘉種傳西域分嘗

聖澤覃色分青案潤味嚼玉漿甘貴比唐宮荔
恩均

宋殿柑陽春佳唱在燕陋獨懷慙

賦得橄欖

限回字

纍纍青子玉盤堆
方物新從嶺嶠來
性比桂薑嘗乍澀
味同芳蔗美徐回
清香合許浮茶盞
雋永偏宜佐酒杯
崖蜜縱甜徒悅口
祇堪諫果作輿儻

賦得爲有源頭活水來

限源字

沿波何似獨尋源
演漾方塘目擊存
但是一泓承檻沈
便同九曲發崑崙
靈泉漫自誇神漢
斷港難期達海門
觀水由來堪悟學
盈科還味子真言

賦得瓦注勝黃金

限贏字

呼盧局最幻一手判輸贏弄瓦情偏巧懸金技不精每
嗤虛牝擲恒覺市車盈毀去曾何惜揮來自匪輕多財
因短智無賴出奇兵敢恃陶朱蓄常誇彥道名戲場區
得失小術具權衡此理誰能剖蒙莊取喻明

賦得以風鳴冬

限風字

元冥秉令歲將終北戶噓來感發風邃谷有凹常嘯夜
疎林無葉亦號空穿簾乍滅熏籠力撼牖還迷聽雪聰
應爲土囊難閉口非蟲非鳥引吭同

賦得秃筆

限毛字

銛錐夙重管城毛秃後臨池懶更操內史用來雖尙健

趙跋蘭亭云
是用已退筆

中書老去豈能豪免冠其歎并心盡就腐

曾經構思勞好爲退鋒郎卜兆

退鋒郎見
清異錄

莫從堆並畫

墻高

賦得黑甜限甜字

蕭齋午枕下重簾睡境昏昏黑又甜一徑陰沉難向曉
十分滋味喜頻添蕉隍莫辨神尤定笛簾如飴癖不嫌
此意閒身容自領無煩司夢醒來占

賦得寒拆限聲字

冰稜生被夢難成默數天街遠柝聲雪裏丁丁趁虬箭
霜前橐橐和鼉更重城燈暗連還斷曲院風傳重復輕

最是關心封事上直從初夜聽分明

綠筠書屋詩鈔卷十七

閩縣 葉觀國 毅菴

人扶集上

起乾隆戊申九月盡辛亥一年

歸途雜詠六首

顛簸柴車道路長
雞聲未動促行裝
難尋面目風沙起
易損襟裾肘腋妨
豕圈支床容短夢
馬通催頓護饑腸
回思擁傳乘輅日

聖澤如天敢暫忘

風塵漸減涉風濤
帆掠焦山雪浪高

時因京口糧艘擁擠從焦山出丹徒

聞寸寸強弓纜半過
迢迢岐路竟誰遭
罕通名刺交元

淡多負良遊興不蒙擬碎征輪安四角從茲扁戶卧江
阜

御了吳舟買越舟心期一櫂泝江流皇天不爲翻犁計

客子平添解橐愁

時久不雨三衢以上不
通舟楫陸行費逾數倍

灘淺濫船剛

没踝篷低載僕僅容頭

舟至蘭谿行李僕
從皆換用小舟

琴書襪被平

生伴到此寧能棄擲不

一重高嶺一重林竹町松坪太古陰未爲農人憂嘆旱

且欣行客免霖霖籃輿作隊身堪畫寶刹憑幽境入吟

西蜀南滇曾叱馭此間只合算低岑

夢筆山前水罷流將軍灘畔斷行舟陸裝告匱途猶遠

魯縞難穿歲已過客裡送年依旅舍悶來扶醉上高樓
到家竟落春風後踪跡由來笑土牛

年來歲月付征途

自癸卯至戊申
無歲不從行役

毫及仍嫌智慮羸不

解偷閒頭似葆漸能忍事腹如壺蠶將成繭身垂困鵬
待搏風意亦迂太息張衡戀機密歸田虛賦漫踟蹰

倦鳥

倦鳥因風刷羽翎興闌一夕下青冥常憐初服撞胷杆
怕與時人作眼釘捩手覆羹良自厭膠粒鼓瑟欲誰聽
祇應歸向滄江卧寄傲南窓守硯屏

夏仲逃暑烏石山雙榕書室漫成長句二首

雙榕偃蓋石崢嶸新葺山居夏景清僻背華坊蝸舍小
高盤脣磴筍屨輕閒行卓午無三伏晏起炎宵有六更
敢詡拋魚才換得由來邱壑是心情

磨厓句在藓痕侵鱗次遺基劣可尋

入門有巨石鐫一絕句云祖居山下

自唐遷故老相傳八百年但使兒孫能守分不令滄海
變桑田左方篆書鱗次臺三大字前明審理黃濟故居
也傳舍闕人良已久雲林歷歲更應深塔鈴自語松風
送鳥夢初回竹月沈慙媿飄漿人海裡清涼容我獨披

襟

雙榕書室晚坐二首

謾謾榕陰密亭亭竹影疎引秋臨暑節留月駐莎除壁

倚青藜杖床攤素問書最宜門巷窄從不接軒車

懶散閒真稱崎嶇老未嫌煮泉料遠壑

每旦令僮奴致
烏山泉水一筒

爲滄
苔用

芟卉淬新鑱熟酒晨先酌生衣晚漸添莫疑成冷

淡出處事難兼

臨流有作

石本無聲水性平如何相激作雷鳴世人祇坐喧
歷水多恐聲從石裡生

題何編修寶齋西泰海日圖小像二首

半隻紅輪浴浪遙天雞初唱斗傾杓此時珂馬金
閨滿少有人來看海潮

雙丸跳擲迅於風一出咸池刻不同我在桑榆無足道
如君光景正禺中

七十初度四首

忽忽平頭七十人三朝休養不材身泥洹路逼形空
寄蓬島資深迹總陳半臂就枯難使指左車新動漫依
脣多慚好語相誇奉兩髻猶青未六旬

一介孤寒嶺海濱生成深荷

聖君仁紗廚秉鑑三千士繡展依光四十春望闕
途遙勞昔夢懸車典古及茲辰聲名官職皆逾分敢更
垂涎要路津

去日云多感亦多豈惟面皺歎觀河看花舊侶殘星在
宿草門生掣電過伉儷分去聲畸傷枕簟鴈鴻行斷痛置
羅徒餘兒女纍纍是五岳遊蹤待若何

七十老翁何所求引觴扶策是良籌且鋪綺席看垂手
恰對黃花笑插頭暇日好脩疏傳讌衰年深厭馬卿游
耆英洛下鷓鴣集指數無須到海鷗

建舟歎

賦命有媿惡苦樂事難詳世間誰最苦建州刺船郎傲
衣不揜脛體黑多癩劊狎水類鷗鳧凌崖健鹿躄絡肩
黃篋繩拖曳如銀鐺雨淋漓注鼻日炙汗飜漿挽牽不

如令話語摧肝腸，饑來聚一飽，未省嫌乾糠。豈知吳越
間，搯舟多如蝗。畫舸碧紗窓，窸窣疑洞房。青鞵白布襪，
騁步沿廻塘。踏歌四五人，細纜柔於韁。

翠華經過處，兩岸平如堂。紅亭照眼明，綠陰夾道涼。下
船對妻女，繡襦明月璫。豔粧工笑謔，能解貴客囊。胡爲
同所業，平地分低昂。一爲食蓼蟲，茹苦久亦忘。一爲啖
蜜蜂，口甜尾有鉗。徒緣生處異，享受遂分張。嗟爾長溪
岩，籠禽難驟翔。彼家大江側，踰闕達帝間。多生積黑
業，譴墮嶺嶠鄉。作詩唁若曹，吾亦行自傷。

龍遊舟中

五里飛亭十里村水明沙淨裊燕痕溪山一幘倪迂畫

風俗千秋建德論

地近建德縣卽借用莊子建德之國語意

細雨霏微人待

渡粉牆高下樹當門老夫行遍天涯路此地真宜築小

園

庚戌秋仲恭祝

聖壽禮成出京四首

分道油幢出玉京柴車吾亦返蓬荆來隨萬國衣冠會
去及三秋風露清向日野葵惟自罄辭巢歸燕不無情
觚稜漸隱煙霄隔惆悵盧溝第一程

雙輪輾轆度孱顏身在黃塵黑霧間避冷趨秋憐朔雁

送人經宿感西山殘蟾掛樹籌三唱暗壑籠冰玉一灣
不負比鄰雞黍約臘醅香了數刀環

老嫌金帶語非欺況是商賓抱病時有鬼真應噉兩足

近苦無眠且自守三尸煙迷舊壘毛公里草翳荒臺董

相祠河間縣有毛精壘爲毛叢故里廣川臺在景州董子故里太息古賢多不達於

今寰宇奉經師

燕南趙北往來頻席帽星輶摠此身快意馬蹄凌雨雪
驚心鴻爪逐煙塵翔雲到晚思歸岫老木依林暗領春
從此薊門應掃跡但憑珠斗望 楓宸

江鄭開

三峰突兀接虛無，離合神光轉盼殊。
好倩營邱來點筆，裝成縮本華山圖。

仙霞嶺

三年三度踏仙霞，歎息勞生復自誇。
但使餘齡強健在，不妨時到看梅花。

奉題王觀察亮齋石牒課兒圖小像四首

廿年棠蔭匝閩墟，瀟灑襟情退食餘。
世業青箱經訓在，抽身時復課兒書。

疏泉貼石闢莎廳，蒼桺書籤猩色屏。
竹樹滿園花滿徑，好陪槐翠映青冥。

磨盾曾勦破賊圖

謂勦捕逆犯林爽交事

受瘥豈意落泥塗棄瑕

錄舊

朝家典野望文翁再剖符

長身玉立記清標群紀交情兩世遙

丁丑戊寅間與尊人希閔先生共事

南鬚髯蒼浪公亦老益慚衰朽逐漁樵

雜詩三十首

此生幽事定無緣解紱歸來亦有年贏得人稱林下住

向曾眼底見林泉

懶從面垢任頭科斃廢支筇偃卧多賴是張羅門巷寂

不然其奈送迎何

老不禁寒更苦炎蟲蟲况切大田占烏雲一片頻驥首

又被風收湧玉蟾

振古行空有兩輪
月天事較日天新
長年搗藥醫何物
更役修宮八萬人

煮鳳烹麟角喙連
膠成留與續弓弦
如何人世千年瑞
生在仙家不直錢

辛苦曼都早學仙
眼看楊許盡昇天
祇緣骨錄生無分
枉守丹爐不記年

曉望搏桑東復東
松花江上六時風
若爲傳得壺公術
甞賺三山到眼中

如珠露下井梧鳴
似繡林塘逐漸清
爲報西風休着力

少留殘葉殿秋聲

詩家總愛玉溪詩宏富工爲綺麗辭吟到李花垂柳什

嘔心清句少人知

義山李花詩云白明無月夜強笑欲風天垂柳詩云朝佩皆垂地仙衣盡

帶風

置子沈吟慮未安一枰勝負夜將闌要知國手無閒著也似高文落筆難

西麓新宮壁瓦華銘詞寫就世爭誇細看文字無仙氣恰稱塗鴉蔡少霞

檣低幅少悵行遲目送凌波赤馬馳若到港廻灘淺處瓜皮艇子卻相宜

秋齋揜焚一燈深抱膝閒哦夜漏沈不省涼蟄有何思
伴人癡坐和人吟

源花爛熳披圖日輞水淪漣展卷間安得此中添我在

殘年消暑併消閒

余家有趙大年桃源圖單條趙伯駒
輞川圖長卷爲皇十一子所貽皆

內府收
藏物也

度量由來有絕懸女嬃爭及姊嬖賢隨人也作中中管
肯更捐軀死弟前

竊吞靈藥成蟾魄盜啣還丹失肉芝古事流傳如不妄

飛仙一半是偷兒

尹邢姿貌亦差肩妬極成悲是枉然爭似桓家南郡主

擲刀一見肯相憐

盡知上界仙官貴得勝人間樂老無

馮道自稱長樂老

不望昇

天元有意也應白石似狂奴

未省怒蛙綠底事生憎門雀易成群
牆蝸雨後縮頭角
蠻觸戈矛更不聞

九萬搏風絕碧埃
大鵬自是出群才
蝸鳩意緒真寒劣
搶剗愉怱便下來

筠筒遞句傳元白
笠澤飛箋憶陸皮
無奈自吟詩送老

少陵牢落楚江湄

少陵宴王使君宅云自吟詩送老

趙卿哀歎意無窮
淮海微禽變質同
若使生人隨物化

不成猿鶴便沙蟲

月姊星娥寄託深
洛神豈爲感甄吟
後生不會荆賢意
滿幅香奩徒誨淫

枯菀參差交態殊
今人敢望古人俱
斛斯朱阮難聯席
何況元戎嚴大夫

宏材枯倒惜杉桐
石火風灑瞥眼中
宿草幾人雲水隔
隻雞何日過禰公

葉少蠶多食未勻
提筐中婦曉眉顰
何如省製青綾被
吉貝成花亦煖人

芋魁作糝敵酥醅
壯士垂涎爲子鷺
何事何曾慳下箸

正緣食案費錢多

浣布裁衫古所珍一回入火一回新
豪家滿桁應無用散與鷄衣百結人

纔辨驚霆震瓦聲漸須畫字始分明
社公酒好空方法

待乞閒遐草一莖

閒遐草見拾遺記

白頭青竹古今情

杜詩白頭遺恨在青竹幾人登

麟角牛毛有重輕

班范兩家遺傳在許多人世不知名

讀義山詩作

義山樂遊原詩云夕陽無限好只是近黃昏

天氣晴陰時各異
人生通塞事難同
夕陽雖與黃昏近

勝似平明風雨中

感逝

長生報束語空期風日回思蔭樾姿說到羊公齊下淚
不須重讀峴山碑

題和敬堂集後

福州黃處菴
晉良所著

身世依稀似少陵麻屨謁帝斲籌騰多能餘事嫻騎射
先生書畫之外兼能
馳馬使槍挽強命中經亂哀吟感廢興縞紵論交名漸
起萍蓬作客跡難憑後生前輩迢迢隔祇道書禪致服
膺

閱桂海虞衡志作六首有引

曩余視學廣右有衡文之務按部之限役役竟年

每便道遇佳山水一爲停橈下輿流覽片時卽去
若在會城則無故未嘗一出院署也頃閱范石湖
所撰桂海虞衡志紀述桂城山川巖洞之奇不覺
低徊者久之悔往日之弗克違俗而攬勝也爰就
范志成斷句五首復憶他書所載作一首以致溯
洄眷眷之意亦猶公垂之追昔游放翁之夢熟路
云爾

獨秀峯晴翠染裾石床石室職空虛前賢軼事風流甚
作吏何嘗廢讀書

劉仙巖在白龍南細草經冬尚蔚藍跨鶴千年人不返

一輪涼月轉空龕

風洞泠泠六月寒
開軒最稱葛衣寬
城中何限追涼客
杵苦青童打白團

朝陽六洞北方壺
碧浪紅蕖錦繡圖
慚愧三年官八桂
不曾安漿向西湖

栖霞巖壑特瑰奇
鍾乳纍纍大藥資
見說黨人碑尚在
姓名應共七星垂

栖霞洞在七星山巖畔
鑄有元祐黨籍姓名

三愁四怨意悲辛

曹邴有四怨
三愁五情詩

百首游仙語出塵

曹唐

人皆桂產肯爲古人傳
大業千秋好事數
聞人明季謝在杭
官廣西布政

嘗刻二曹詩集
曹能始爲作序

綠筠書屋詩鈔卷十八

閩縣 葉觀國 殺菴

人扶集下

長生無極瓦硯歌 邱編修芷房庭滙所贈

瓦當

平聲

文字錄者誰百十二種形模奇

秦漢瓦當文字一卷近人程君

教輯

長生無極乃其一云是阿房舊官之所遺自從銅雀

香姜收作硯鼃磯龍尾名空馳埏埴况在漢魏上筆法
頗疑丞相斯編修校士向關隴輶車來往驢山陘斷年
蘭池訪陳跡但餘瓦礫縈荆茨偶然拾自清涓涓製爲
墨沼蒼瓊姿匣裏瓊裹遠餉我重之奚翅十朋龜我聞

羽陽之瓦出荒壟流傳藝苑如韓碑甘泉一枚許舛獲
當年群雅留歌詩豈意神物興有時珠聯璧合何纍纍
紛綸延壽益壽字鄭重億年萬歲辭瓦有延年益壽延
壽萬歲億年無疆
千秋萬歲諸種秘文吉語爲國瑞何異噐車銀甕祥姚姬我
爲墨磨雙鬢絲無多來日徒嗟噫晴窓拂几看硯背死
籍可落應軒眉冷金細拓侑石鼓御製重排石鼓文
有敬摹爲縮本榻喪
成軸者其徑圓式
度正類所獲瓦頭井華新汲研愉糜老來懶事蠹魚注
持寫黃庭內景師楊羲

萬年藤杖十八韻

天台令趙漢青瑛所贈

藤以萬年名遠白天台致結根華頂漏摧幹金庭秘彭

銅鏡韻鬱律蛟虬勢鴻濛苞既圻縷絡歲難記作杖

實天成扶老洵良計舊充鹿門貺

皮曰休有五貺詩其一爲天台華頂杖皮

自稱鹿門子

近憶遂初遺

朱竹垞詩我有天台萬年藤持贈吳下遂初翁

石南分種

繁耆婆署名異趙君管赤城古邑稱仙治尋條歷屏顏

刷枿出幽翳憐我步踉蹌贈茲防顛躓等身鬼膊

巖名

入手青蛇膩桃竹安足論柳栗或同類我懶謝元脩又

慚非貴位難希金策賚

陶隱居十賚文有筇竹錫杖錫杖一稱金策

未荷靈

壽賜錢玉亦何有祝鳩聊自媚

石匠就杖端刻爲鳩形

顧茲堅韌

姿可任衰遲寄曳宜芒屨陪拄勝小童侍敢言五岳遊

待踏三山翠

越王石歌

見南齊書虞胤傳福州府志云在郡城南

越王片石何曉整
憂摩星漢臨翠濤
噓雲泄霧常自闕
時逢廉守披緘縉
不省無諸開國後
幾回軒豁鏡天高
虞公美政古無比
恩逮靈蛇歸質子
胡威清節天下知
廉范歌聲四封起
偶從雙鹿去行春
鵲脚紅旗照海濱
黃童白叟傾村出
須臾石丈亦呈身
由來感召觀天咫
格天何具此心是
君不見昌黎默禱開
衡雲玉局瀕行
看海市通靈著異
彈指間盛事後先
有同揆卽今
聖代飭官常大法
小廉明紀綱還珠
復乳多異政
璽書歲歲徵循良
海邊父老向空祝
長願茲石眼底成
蛾

綠

暢山夜課圖爲姚根山賦四首

根山名雲莆田人讀書工畫尤

長於寫真幼孤母葉

口授經書訓督甚嚴

疎林月落近三更斗室篝燈一穗明何處先生嚴課業
書聲側畔紡車聲

便將圖畫當文章傳寫慈悲效顯揚墨點細皴和淚點
暢山風景似瀧岡

孝經圖卷重公麟名手深心勸孝親何意吮毫成畫者
便爲當日畫中人

已看綽楔表芳名更乞詩篇比玫瑰好爲姚家存兩案

子稱純孝母稱貞

題何西曹介堂 兆齡 問道圖小像

君不見長安季主賣卜年談天說地驚愚賢
通人宋賈就諮訪口噤頭低心悚然又不見
三閭澤畔色顛顛意亂欲憑詹尹筮笑梯
鉏草兩茫茫龜策不能知此事迷陽卻曲
道阻艱溝坑一落難重還喆士問人兼問
已指南車在胷懷間夫君本是沈幾者着
眼愈高心愈下三义路上致裴裒識道何
從覓老馬眼前一段武陵春柳媚花明古
渡津若怕迷途求指引無過圖裏耦耕人

重題文信國琴爲李秀才 瓊宴作

我昔曾題文山琴此琴舊在何君處

上舍

述善摩挲不敢易

語言鄭重兩詩留絕句當晴題詠玉堂仙覃溪

翁

閣長

歌最可傳酸風楚雨入牙頰髣髴西臺勸哭篇何君俯
仰成泡電心念此琴難重見楚弓楚得豈偶然近在君
家未飄轉人名物重句難裁意復辭重何有哉願君寶
茲同拱璧響泉焦尾皆凡材

苦雨

積雨春逾夏波濤入市間禾頭三度沒岸嘴數篙添易
攪愁人意難成大有占可憐汪濊澤併作一番霑

題鄭秀才至樂圖小像

先正每長嗟讀書事匪易富爲筐篋牽貧有饘粥累五
車繡未畢倥偬去作吏疇能似田叔

明屠本峻字田叔
明詩綜小傳載其

事好學世寡二饑渴當壺殮愁寂爲鼓吹彼哉譏諷者

原伯侶相萃兩部鬧箏琶千金買珠翠豈知文史中跌
宕有樂地鄭君淵雅材卓犖青雲器家多插架書點勘
忘食寐緬汲河海流蜜啖中遣味尺圖爲傳神灑落消
人意旣無紫障圍併少青猱侍烏皮几一張縹錦函三
四他年相如冊憑仗孝先笥願君揭此圖用以勗同志

題古輓揚冊子爲黃孝廉耦賓

世發

作耦賓大

父震旬與余同舉丁卯鄉試

竹垞老人性愛古曾揚五鳳二年甌又收一枚從寶鼎

寶鼎孫

吳年號衰池作冊儷甘泉拊泥封膊有何好爲有文字

資丹鉛景師叔文

見宋洪

古著錄後賢前詰同精研吾

邦瀕海鮮舊物漢唐碑碣稀流傳瑯琊肇封事土木誇

張富盛風尙偏鎔銅肖像金作屑連窯燒旄煤熏天水

晶長春貯珠翠寶皇三清飛桷椽豈知財殫運亦盡豪

華過眼如雲煙頽基往往長榛莽零磚壞礎拋路邊孝

廉汲古似長睿六書討論滂熹篇閭識丁尊辨癸貞閒

箋周鼓研秦權何年獲此舊旣甌二十五片璫珉瑣紙

摹墨拓詳出處半是通文龍啓前

龍啓通文王
氏僭竊年號

我老百

事不挂眼摩挲對此心爲病威武櫺留舊軍號紹熙文

紀南宋年

揚中有威武軍三字碑一紹熙三年磚一

迢迢廢興九百載幾經

劫火移桑田因思美好易隳毀不如頑鈍差堅全玉帶

瓊梳在何處惟餘此榻登書筵不須更詫錢文兆

揚甌多作

錢文金塗墦瓦亦飛翽

錢氏有金塗墦

旱

今春雨過分此旱早關心溽暑正逢伏乾雲空布陰潮
來痕漸縮井涸汲加深各有皇皇意朝脯問釜鬻

雨

一雨蕭騷過中庭暑乍收農應邀帝閔澤匪待人求藤

架蘇焦蔓榕陰罷喘牛爲霖如協望大有可書秋

七夕二首

恨別年年淚未乾
蹇時連袂豈成權
如何天上無拘管
也似人間會面難

來有常期去不空
等閒消息及秋風
平時雖隔河千住
一水盈盈信易通

哭黃集亭

金聲

同年

雙丁兩到擅才名
晨夕論

從平聲讀

心憶

玉京

辛未壬申君在都門

候禮部試

常相過從叔度喪亡悲歲月

謂若溪庶常兄

涪翁躡躑歎平生

涪翁行次以擬集亭兄

凋零久抱同人感
閨隔深疑拒客情
余去歲嘗

兩次造謁閣者俱知有黃香能繼武弔閭還見賀門并
以疾辭不獲一見
君於八月十六日謝世
鄭君三塲已蕪事矣

何比部介堂親家五十初度

華省含香夙望清座隅置律共知名

引用唐王播事 整求短假

因鰕菜閒把長竿濯組纓官閣詠梅傳麗句東籬採菊
寄高情樽開北海朋簪盍興在西湖一櫂輕鄭太田惟

供戚儔王戎籠不入經營紫烟灶畔看燒豕紅豆筵前

教炙笙

君曉醫藥兼精音律

舊業草堂憑井上

書齋卽黃處安先生所居井上草堂

新粧花貌得雲英

君新近納姬

謝家玉樹臨風秀馬氏瑤環

映日明半百年顏雖老大五旬頭角尙崢嶸白雲司在

門闌外引滿期君上玉京

題陳鈞溪明經國璜遺像

虛懷交紀復交群

蚤歲曾與先君同硯席

牛耳雞壇久屬君矮屋

迤邐多歲月高名焜耀動榆枌談鋒霏屑思元度客座無羶念廣文今日展圖堪下淚不須鄰笛聽斜曛

偶吟

平生蹤跡趁輪轅南北東西 使命恩眼底無憑風簾影寰中是處雪鴻痕枌榆苦憶童遊地道魂今日解龜茅屋下枯萍黏塊始成根